

Mercedes Brea, Esther Corral Díaz,  
Miguel A. Pousada Cruz  
(eds.)

Parodia y debate  
metaliterarios  
en la Edad Media



Edizioni dell'Orso  
Alessandria

©2013

Copyright by Edizioni dell'Orso s.r.l.  
15121 Alessandria, via Rattazzi 47  
Tel. 0131.252349 - Fax 0131.257567  
E-mail: [info@ediorso.it](mailto:info@ediorso.it)  
<http://www.ediorso.it>

Impaginazione a cura di Francesca Gattina

*E vietata la riproduzione, anche parziale, non autorizzata, con qualsiasi mezzo effettuata, compresa la fotocopia, anche a uso interno e didattico. L'illecito sarà penalmente perseguitabile a norma dell'art. 171 della Legge n. 633 del 22.04.1941*

ISBN 978-88-6274-497-3

# Orne que entençon furt'a seu amigo semelha ramo de deslealdade\*

DEBORAH GONZÁLEZ MARFÍNIÍZ

use - Centre d'Études Supérieures de Civilisation Médiévale

Atribúese a Quinto Aurelio Simmaco a sentencia *oratio publicata res libera est*<sup>1</sup> Con este ditame, o orador latino manifestaba a liberdade do discurso unha vez feito público, por considerar que con ese acto deixaba de pertencer ao seu autor para pasar a ser propiedade de todos. Durante séculos, a creación dunha obra artística baseouse na tradición e na memoria; o autor tiña a función de incrementar esa tradición en que necesariamente debía inspirarse, sumándose nela e entretecedo o seu discurso co doutros autores anteriores. Neste proceso (re)-creativo, a imitación observábase con toda naturalidade e era unha práctica corrente e vivamente recomendada.

Desde a época clásica, literatos, filósofos e tratadistas animaron a seguir os bons exemplos, entendendo isto non como unha tarefa de simple mímese, senón como unha forma de elaborar unha obra digna dentro da tradición. A este propósito, son ben coñecidas, por paradigmáticas, as explicacións que Lucio Anneo Seneca ofreceu nas cartas moráis a Lucilio, en que recomendaba facer coma as abeñas (*apes de be mus imitar i*), porque toman o néctar das flores e con esta materia elaboran mel; con este símil insistía o filósofo cordobés na conveniencia de adoptar a esencia dos mellores exemplos e proceder a unha imprescindible re-elaboración deses materiais, pois a *imago res mortua est*.

\* Este traballo está realizado no marco do proxecto *El debate metaliterario en la literatura románica medieval* (FF12011-26785), financiado polo MICINN. Así mesmo, está vinculado coas nosas investigacións no CESCM, no programa de bolsas posdoutorais Fernand Braudel - IFER incoming financiado pola FMSH et a Unión Europea - Programa Marie Curie Actions.

' A sentencia encóntrase nunha das epístolas de Simaco a Ausonio, concretamente na carta 31 do libro 1, que pode lerse completa na edición de O. Seeck, *Monumenta Germaniae Histórica. Symmachi Opera*, Berolini, 1883, p. 17 (ed. facs. disponible en liña: <http://www.mgh.de/> [data de consulta: 29-11-2012]).

2 O texto completo encóntrase no libro XI, carta 84. Pode lerse en L.A. Seneca, *Cartas morales a Lucilio*, introducción de Eduardo Sierra Valenti e tradución e notas de Jaime Bofill y Ferro, Barcelona, Pianeta, 1989, pp. 242-244.

Obtemos unha lección semellante doutro célebre autor da latinidade, Marco Fabio Quintiliano, que declaraba a necesidade de seguir un modelo e recoñecía que a *imitatio* era un componiente importante de toda obra de arte; porén, de maneira bastante clara e directa sentenciaba que limitarse á simple reprodución do ixnenio alleo só pode contentar a quen se caracteriza por un espírito preguiceiro (*imitatio per se ipsa non sufficit, uel quia pigri est ingenti contentum esse iis quae sint alii inuenta*)? Así pois, tamén do discurso do calaguritano se deduce que era imprescindible imitar os bos exemplos sempre eoa finalidade de construir a partir deles unha obra que contribuíse ao avance e engrandecemento do acervo cultural común.

En certo modo, a noción de "imitar para crear" perduraría e aceptariase durante moitos séculos, mesmo cando o concepto de autor xa cobrara certos tintes de modernidade.<sup>1</sup> E así como se pode explicar que o erudito francés B. Gibert no seu *Jugements des savants* publicado en 1716 afirme ainda que:

La vraye maniere d'imiter est de prendre, non pas des mots, mais l'esprit de son auteur; c'est de se former de pareils desseins, & un ordre semblable; c'est de le répresenler dans l'Action. On ne doit se proposer que les Modèles les plus excellents, ou plutôt ne s'en proposer qu'un, & néanmoins profiter de tous. Ce que l'on prend de son modèle, il faut le cacher, de maniere qu'il n'y ait que les habiles qui le voyent.<sup>2</sup>

<sup>1</sup> Cfr. M F. Quintiliano, *Institutiones Oratoriae*, edición de J.M. Winterbottom, Oxford, Oxford University Press, 1970, tomo II, libros 7-12, p. 594.

<sup>2</sup> Segundo Barthes: "auteur est un personnage modeme, produit sans doute par notre société dans la mesure où, au sortir du Moyen Age, avec l'empirisme anglais, le rationalisme français, et la foi personnelle de la Réforme, elle a découvert le prestige de l'individu, ou, comme on dit plus noblement, de la "personne humaine". Il est donc logique que, en matière de littérature, ce soit le positivisme, résumé et aboutissement de l'idéologie capitaliste, qui ait accordé la plus grande importance à la «personne» de l'auteur". Cfr. R. Barthes, "La mort de l'auteur". *Le bruissement de la langue*, Paris, Seuil, 1984, pp. 61-67, pp. 61-62. A propósito da definición de autor, tamén pode consultarse M. Foucault, "Qu'est ce qu'un auteur?", *Bulletin de la Société française de Philosophie*, 63/3, 1969, pp. 73-104, recollido en *Dits et écrits*, Paris, Galimard, 2001, pp. 817-849. Sobre a figura do autor na producción literaria medieval, pode verse E. Finazzi-Agrò, "Autor", G. Lanciañi - G. Tavani (coords.), *Dicionário de Literatura Medieval Galega e Portuguesa* (= *DL-MGP*), Lisboa, Caminho, 1993, pp. 74-75.

<sup>3</sup> Cfr. B. Gibert, *Jugemens des savans sur les auteurs qui ont traité de la Rethorique, avec un précis de la doctrine de ces auteurs. Tome Second, contenant ce qui s'est dit de plus ou vieux sur l'éloquence, tant sacrée que profane, depuis Quintilien jusqu'au milieu du dix-septième siècle*, Paris, Chez Etienne Ganeau, 1716, p. 352.

E malia este ideai imperante desde a Antigüidade, a *pigritia* invadiría algúns espíritos que non terían inconveniente en apartarse das recomendacións canónicas dos tratadistas, conformándose coa reproducción da obra allea. Porén, ocasionalmente, encontramos unha reacción ante esta sorte de "apropiación intelectual" no interior de obras literarias de espirito satírico. O testemuño máis coñecido que denuncia este tipo de actividade ilexítmica procede da pluma de Marco Valerio Marcial, que ferventemente acusou o uso que Fidentio facía dos seus versos, dedicándolle expresións tan explícitas como *fur es*, 'es un ladrón', ou *meorum fur auare lihrorum*, 'ladrón avaro dos meus libros', e outras de tan mordaz ironía como *Quem recitas meus est, o Fidentine, libellus: / sed male cum recitas, incipit esse tuus*<sup>8</sup> ('Fidentino, o que recitas é un libriño meu, mais cando o recitas mal comeza a ser tcu'), e incluso noutro poema chega a proponerlle: *Si mea uis dici, gratis tibi carmina mittam: / si dici tua uis, hoc eme, ne mea sint* ('se queres que se diga que son meus, mándoche os versos gratis, pero se queres que se diga que son teus, merca isto para que non sexan meus').

Como a crítica ten destacado en infinidade de traballos dedicados, en maior ou menor medida, ao estudo da apropiación literaria, da contestación que dá Marcial ao furto de Fidentio procede a expresión *plaxio*, áinda que Marcial non a utilizase exactamente co sentido actual;<sup>9</sup> que se saiba, el foi o primeiro en usar *plagiarius* de forma metafórica, dado que en latín o termo designaba a aquel que se apropiaba dun escravo alleo ou a quen vendía ou mercaba como escravo unha

® Reproducimos os versos que se acollen na edición preparada por J. Femández Valverde, con introducción de R. Moreno Soldevila e tradución ao castelán de E. Montero Cartelle, de M.V. Marcial, *Epigramas*, Madrid, Consejo Superior de Investigaciones Científicas, 2004-2005, 2 vols.

' A noción de *plaxio* parece constituirse de forma progresiva a partir de fináis da Idade Media, en relación á paulatina definición da figura autorial e da propiedade intelectual. Ademais, segundo os especialistas, habería que ter presente unha diferenza principal en relación á época modema: durante a época clásica e medieval os casos de apropiación atinxirían ao ámbito moral e estético, pero non ao ámbito criminal; isto quere dicir que a dependencia extrema podía conducir a este tipo de vituperio público, pero non a unha pena xudicial ou económica. Para máis información sobre o *plaxio*, pode consultarse *El plagio literario. Portal dedicado a indagar sobre las relaciones entre la propiedad intelectual y la producción artística* ([www.elplagio.com](http://www.elplagio.com)), de grande axuda para a confección deste traballo. Tamén K. Perromat Agustín, *El plagio en las literaturas hispánicas: Historia, literatura y práctica*, Université Paris-Sorbonne, 2010; M. Schneider, *Voleurs de mots: essai sur le plagiai, la psychanalyse et la pensée*, Paris, Gallimard, 1985.

persoa libre. Desta maneira. Marciai convertía a Fidentio no raptor e escravista dos seus poemas, aos que el Iles dera liberdade.

Se nos centramos no período medieval,<sup>1</sup> deberemos salientar que a noción moderna de "propiedade literaria" era inexistente, favorecendo «a apropiación tácita, na declarada, do discurso de outros», e ademais o peso da *inventio*, como parte esencial da creación, «acaba por facer até emergir como valor positivo a adesa total do sujeito que escreve ás fontes da escrita, a sua homologación e desaparecimento nelas. O poder e a força da *aucioritas*, en fin, prevalecem sobre a personalidade do autor».<sup>2</sup> Mais concretamente, na produción trobadoresca, a *inventio* resolvíase esencialmente na *variatio* e na *amplificatio*, ademais, na obra lírica non só se verifica a recorrenza á intertextualidade senón que, en tanto que cantares, tamén foi posible a imitación da dimensión musical.

Lembremos que a *Arte de Trovar* é a única poética medieval que nos ofrece unha explicación do *contrafactum*, isto é: o *emprunt mélodique*, que na época se coñeceu como *cantiga de seguir*. Segundo as indicacións que se reproducen no tratado, a técnica admitía tres modalidades ou niveis miméticos que, *grosso modo*, corresponderían a unha adopción do aspecto musical-estrutural, do musical-estrutural-rimático ou, segundo o tratadista, *pera maior sabedoria*, do musical-estrutural-textual.<sup>3</sup> A práctica do *contrafactum* deixou as súas pe-

<sup>1</sup> Vid. F. Gaflfiot, *Dictionnaire Latin - Français*, Paris, Hachette, 1934, s. v. 'plagiarus'; Ch. du Cange, *Glosarium mediae et infimae latinitatis*, Graz, Akademische Drack, L. Verlagsganstalt, 1954, t. VI, s. v. 'plagium2'.

<sup>2</sup> "Mais en geral, de facto, os textos medievais escrevem-se (/i-screvem-se e reescrevem-se) uns nos outros - copias de cópias, pois que conservam no entanto urna margem de autonomia e de especificidade precisamente numa tal función de actualización da tradição, neste movemento dialéctico de uma leitura/escrita que, por sua vez, se dá a ler para voltar a ser traço, nova escrita [...] - como residuos de um proceso hermenéutico que se propõe sempre como leitura de segundo grau". Cfr. E. Finazzi-Agrò, "Influências e intertextualidade", *DLMÜP* (pp. 326-328), p. 327.

Cfr. Finazzi-Agrò, "Influências", p. 326.

<sup>3</sup> "Outra maneira há i en que trobam do<u>s homens a que chamam "seguir"; e chamam-lhe assi porque convem de seguir cada um outra cantiga a som ou en p<alav>ras ou en todo. En este "seguir" se pode fazer em tres maneiras: a ûa, filha-se o som d'outra cantiga e fazem-lhe outras palabras tam iguaes come as outras, pera poder e<m> elas caber aquell som mesmo. E este seguir é de menos em sabedoria porque <nâm> toman nada das palabras da cantiga que segue.

Outra maneira i há de "seguir" a que chamam "palavra por palavra": e porque convem o que esta maneira quiser seguir que faça a cantiga ñas rimas da outra canfiga que segue, e sejam iguaes e de tantas silabas Úas come as outras, pera poderem caber em aquele som mesmo.

gadas na produción lírica profana e relixiosa galego-portuguesa; no ámbito da lírica profana, dada a falta case total da transmisión musical, as mostras de *seguires* más evidentes son os catro cantares que se transmiten nos dous apógrafos do século XVI, o *Cancioneiro da Biblioteca Nacional* da Biblioteca Nacional de Portugal (Cód. 10991) (B) e o *Cancioneiro da Biblioteca Vaticana* (Vat. Lat. 4803) (F), identificados grazas a se acompañaren de rúbricas que os definen.<sup>14</sup> Noutros casos, a crítica ten recoñecido os *seguires* mediante a análise das relacións estruturais e intertextuais entre dúas ou máis composicións," sobre-

E outra maneira i há de "seguir" em que non segue<sup><m></sup> as palabras. <Estas cantigas> fazen-as das outras rimas, iguaes daquelas pera poderem caber no som; mais outra<sup><s></sup> daquela cantiga que seguem as devem de tomar, outra<sup><s></sup> mecer, <e> fazerem-lhe dar aquel entendimento mesmo per outra maneira. E pera maior sabedoria pode<sup><m></sup>-lhe dar aquele mesmo ou outro entendimento per aquelas palabras mesmas: assi é a melhor maneira de seguir, porque dá ao refi-am outro entendimento per aquelas palabras mesmas, e tragem as palabras da cobra a concordarem com el". Cfr. G. Tavani, *Arte de Trovar do Cancioneiro da Biblioteca Nacional de Lisboa. Introdugao, edi^ão crítica e facsímile*, Lisboa 1999, pp. 44-45. Vid. J.-M. d'Heur, "L'Art de Trouver du Chansonnier Colocci-Brancuti. Édition et analyse", *Arquivos do Centro Cultural Portugués*, IX, 1975, pp. 321-398; "Arte de Trovar", G. Lopes Videira - M.P. Ferreira et al.. *Cantigas Medievais Galego Portuguesas [base de dados online]*. Lisboa: Instituto de Estudos Medievais, FCSH/NOVA. (= CMGP) Disponible en liña: <http://cantigas.fcsh.unl.pt> [Consulta en 29/11/2012].

No escarnio de Lopo Liás *Quen oj'ouvesse* (fil1355 / 1^63), en dous escarnios atribuidos a Johan de Gaia, *Vosso pai na rúa* (fi1433 / K1433) e *Eu convidei un prelado a jantar, se ben me venha* (fil1452 / K1062), e na cantiga *Don Pedro éstfej cunhado dei-Rei* (fil614 / K1147) de Feman Rodríguez Redondo. Sobre estes catro *seguires*, pode verse González, "Contribución ao estudo da cantiga de seguir nos cancioneiros galego-portugueses: OS escarnios VI003 e E1559", *Critica del testo XV/2*, 2012 (pp. 215-235), pp. 216-219.

" Para máis información sobre os *contrafacta* identificados na lírica galego-portuguesa, pode consultarse a seguinte bibliografía: M.P. Ferreira, "Cantiga de seguir", *DLMGP*, pp. 141-142; G. Lanciani - G. Tavani, *As Cantigas de Escarnio*, Vigo, Xerais, 1995 pp. 182-186; P. Lorenzo, "Accesus ad tropatores. Contribución al estudio de los *contrafacta* en la lírica gallego-portuguesa", G. Hilty (ed.), *XXe Congrès International de Linguistique et Philologie Romanes. La poésie lyrique romane (XIIe et XIIIe siècles)*, Tübingen, Francke Verlag, t. V, sec. Vil, 1993, pp. 101-112; P Canettieri - C. Pulsoni, "Contrafacta galego-portoghesi", J. Paredes (coord.), *Medioevo y Literatura. Actas del V Congreso de la Asociación Hispánica de Literatura Medieval*, Granada, Universidad de Granada, 1995, pp. 479-497; P. Canettieri - C. Pulsoni, "Per uno studio storico-geografico e tipologico dell'imitazione metrica nella lirica galego-portoghese". *La lirica galego-portoghese. Saggi di metrica e musica comparata*, Roma, Carocci, 2003, pp. 113-165; A. Rossell, "Una nuova interpretazione intermelodica e intertestuale della li-

saíndo frecuentemente como soporte teórico as explicacións de J.H. Marshall.<sup>'''</sup> Tamén é posible encontrar, no interior dalgunhas cantigas galego-portuguesas, alusións a esta técnica, o que favorece a reflexión sobre a magnitude e recorrenza do procedemento mimético na escola do occidente europeo. Neste sentido, un exemplo recoñecido é o sirventés de Gonçal'Eanes do Vinhal *Maestre, todolos vossos cantares* (V1007; 60,5), que recolle unha crítica, non exenta de ironía, á mala praxe poética por parte dun individuo que constantemente *segue ou filha* as letras e as melodías doutros trobadores, resultando excesivamente dependente dos modelos; entre estes, encontraríanse composicións do propio Gonçal'Eanes do Vinhal e outras cantigas de terceiros que tratarían da materia de Bretaña.<sup>''</sup> Aínda máis, na terceira e última cobra o trobador portugués acusa a ese *maestre* de utilizar unha cantiga de escarnio que non "meteu ben escondida", polo que se recoñecía que era de Pedr'Agudo.

A sátira do trobador portugués non é unha excepción no conxunto da escola galego-portuguesa, visto que hai outros tres textos que notician o mal uso das trobas alleas facéndose neles explícito o *verbofurtar* (que denota un sentido moi diferente do *seguir* ou do *filhar* que aparecen na definición da *cantiga de seguir* da *Arte de Trovar* e sobre os que Gonçal'Eanes do Vinhal artella o seu discurso

rica galego-portoghese". *La lirica galego-portoghese*, pp. 167-222; González, "Contribución", pp. 215-235, e D. González, "Intertextualidade, interpretación e contextualización dos escarnios F1003-fil559", *Revista de Filología Románica*, 29/1, 2012, pp. 33-49. Entre os estudos dedicados á contrafactura entre a escola provenzal e a galego-portuguesa, remitiremos a: P. Canettieri, "II contrafactum galego-portoghese di un des cort occitanico", M.I. Toro Pascua (ed.). *Actas del /// Congreso de la Asociación Hispánica de Literatura Medieval* (Salamanca, 3 al 6 de octubre de 1989), Salamanca, Universidad de Salamanca, 1994, vol. I, pp. 209-217; Canettieri - Pulsoni, "Contrafacta", pp. 479-497; Canettieri - Pulsoni, "Per uno studio", pp. 113-165; S. Marcenaro, "Pellegrinaggi di testi? Due nuove ipotesi sui contrafacta galego-portoghesi di testi occitani", E. Corrai Diaz (ed.). *In Marsupiis Peregrinorum. Circulación de textos e imágenes alrededor del camino de Santiago en la Edad Media*, Firenze, Edizioni del Galluzzo per la Fondazione Ezio Franceschini, 2010, pp. 471-483. Entre os estudos dedicados ás relacions entre trobadores desas dúas escolas, véxase tamén A. Ferrari, "Linguaggi lirici in contatto: trobadors e trobadores", *Homenagem a Manuel Rodrigues Lapa. Boletim de Filologia*, XXIX, 1984, voi. II, pp. 35-58.

<sup>'''</sup> J.H. Marshall, "Pour l'étude des contrafacta dans la poésie des troubadours", *Romania*, CI, 1980, pp. 289-335.

" Segundo Lanciani e Tavani, o *maestre* "incapaz de componer por si mesmo, apropiándose das palabras e das músicas dos outros, escollendo entre as inspiradas na materia de Bretaña que, por ser pouco coñecidas, expoñíano menos ó perigo de ser desenmascarado". Cfr. Lanciani - Tavani, *As Cantigas de Escarnio*, p. 131.

cscamiño). Sorprendentemente, nos dous escarnios e na tenzón, que comentaremos a continuación, o delator do *furtum carminum* non é o propio autor afectado senón un terceiro trobador.

Comezaremos por sinalar o célebre sirventés *Pero da Ponte áfeito gran pecado* (B485- V68; 18,33), que Alfonso X dirixe ao segrel galego para denunciar o improbo uso duns cantares pertencentes ao trobador Afonso Eanes do Coton:

Pero da Pont'á feito gran pecado  
de seus cantares, que el foi furtar  
a Coton, que quanto el lazerado  
ouve gran tempo, el x'os quer lograr,  
e d'outros muitos que non sei contar,  
por que oj'anda vistido e onrado.

E por én foi Coton mal dia nado,  
pois Pero da Ponte erda seu trobar,  
e mui más Ihi valera que trobado  
nunca ouvess'el, assi Deus m'ampar,  
pois que se de quant'el foi lazerar,  
serve Don Pedro e non Ihi dà én grado.

E con derecho seer enforcado  
deve Don Pedro porque foi filhar  
a Coton, pois lo ouve soterrado,  
seus cantares, e non quis én dar  
ÜQ soldo pera sa alma quitar,  
sequer do que Ihi avia emprestado.

E por end'é gran traedor provado  
de que se ja nunca pode salvar,  
come quen a seu amigo jurado,  
bevendo con eie, o foi matar:  
todo polos cantares d'el levar.  
¡Come é que oj'anda arrufado!

E pois non á quen-no por én retar  
queira, seerá oí mais por min retado.

As cantigas e os versos reproducidos corresponden ás edicións de referencia incorporadas na *Base de datos da Lírica Profana Galego-Portuguesa (MedDB)*, Centro Ramón Pifleiro para a Investigación en Humanidades, <http://www.cirp.es/> (data de consulta: 29/11/2012).

Como é ben coñecido, este non foi o único sirventés que o monarca dedicou a Pero da Ponte" c, a pesar de todas as críticas que o reí lie dirixiu, considérase que o segrel galego é un dos autores máis sobranceiros de mediados do século XIII, «pelo número de cantigas que compós, a variedade dos géneros que cultivou e as inova9ões técnicas».<sup>1</sup>

A acción de *don Pedro* - designación irónica empregada neste texto para se referir a Pero da Ponte -, consistente nunha usurpación que deixa sen recoñecemento nin beneficio ao o verdadeiro autor dos cantares, é totalmente reprobada polo monarca. Repárese que na terceira cobra, Alfonso non dubida en sentenciar que *don Pedro* debería ser enforcado, un castigo que parece merecer máis pola inmoralidade que supón sacar egoistamente proveito dos cantares "emprestados" por un amigo morto, sen sequera apiadarse da súa alma, que por cometer unha falta contra a súa patemidade literaria. A ollas do rei, este *gran pecado* de Pero da Ponte converteo nun *gran traedor provado* sen posibilidade de salvación, equiparán-doo a «come quen a seu amigo jurado / bevendo con ele, o foi matar» (vv. 3-4, IV). Certamente, conservamos outros indicios literarios que apuntan cara a unha relación de proximidade entre os dous autores galegos, do que poden ser exemplo a sátira de Coton *A min dan preç e non é desguisado* (B1616- 149; 2,4), e os diálogos *Pero da Ponte, ou eu non vejo hem* {B1615-V 148; 2,19} e *Pero da Pont'*,

" Así en *Pero da Ponte, paro-vos sinal* anuncia que a faceta poética do galego está aprendida do demo e dedícalle os célebres versos «Vós non trobades come proençal, / mais come Bemaldo de Bonaval; / e poreñ non é trobar natural, / pois que o del e do dem'aprendestes» (fi487-F70; 18,34; vv. 1-4 III). A relación entre Alfonso X e Pero da Ponte ten sido estudiada por boa parte da critica; entre os traballos existentes, pode verse: A. Gier, *Alfonse le Savant, poète lyrique et mécène des troubadours*, in *Court and Poet. Proceedings of the third congress of the international courtly literature Society*, Liverpool, Francis Cairns, 1980, pp. 155-165; J.-M. D'Heur, "Le trouver à la provençal selon Alphonse X", *Troubadours d'oc et troubadours galiciens-portugais. Recherches sur quelques échanges dans la littérature de l'Europe au Moyen Age*, Paris, Fundação Calouste Gulbenkian, Centro Cultural Portugués, 1973, pp. 291-299; RR. Holliday, "The relations between Alfonso X and Pero da Ponte", *Revista da Facultade de Letras*, IH, Sec. IV, 1960, pp. 152-164; A. Juárez Blanquer, "Nuevos puntos de vista sobre la polémica entre Alfonso X y Pero da Ponte", J. Montoya - J. Paredes (eds.), *Estudios Románicos dedicados al Prof. Andres Soria Ortega*, Granada, Universidad de Granada, 1985,2 vols., vol. 1, pp. 407-422; S. Panunzio, *Pero da Ponte. Poesías*, Vigo, Galaxia, 1992, pp. 38-49; S. Pellegrini, "Pero da Ponte e il provenzalismo di Alfonso X", *Annali dell'Istituto Orientale di Napoli. Sezione Romanza*, IH, 1961, pp. 127-137.

<sup>1</sup> Cfí. R. Lorenzo, "Pero da Ponte", *DLMGP*, pp. 537-539, p. 538.

*e[n] un vosso cantar* (B969 / V556; 2,18), malia que a primeira destas tenzóns se conserva de maneira moi fragmentaria."

Aínda se pode pensar que o "delito" e o sirventés composto polo monarca ti-vesen certa trascendencia, se temos en consideración que Alfonso X conclúa a súa composición co desafío dirixido ao segrel: «E pois non á quen-no por én re-tar / queira, seerá oi mais por min retado» (finda).

Na base de datos *CMGP* (data de consulta: 30-11-2012) suxíresc que a can-ción usurpada podería ser a única do xénero de amor que pode atribuirse a Afon-so Eanes do Coton, *A gram dereyto lazerey* (B971-V558; 2,2), en vista da reite-ración de *lazerar* no texto do rei e a alusión á morte de Coton, que podería ser parodia do motivo da morte por amor.<sup>8</sup> Esta hipótese semella interesante dado que, de ser certa, modifícaríase dunha forma significativa a dimensión satírica do discurso de Alfonso X: de xeito claramente explícito, escameceríase a Pero da Ponte pola apropiación dos cantares, e de maneira implícita burlaríase da creación literaria de Coton.

Entre as cantigas que refiren á apropiación dunha obra allea, o cantar *Jograr, tres couzas avedes mester* (B1515; 56,6) de Gil Perez Conde será menos coñeci-do ca o anterior, mais é un texto que garda bastante interese en relación ao tema que estamos a tratar.

Jograr, tres couzas avedes mester  
 pera cantar, de que se paguen en:  
 é doair'e voz e aprenderdes ben,  
 que de voss'o non podedes aver  
 nen emprestado, nen end'o poder  
 non á de dar-vo-l'ome nen molher.

Sen Qa destas nunca bon segrel  
 vimos en Espanha, nen d'alhur non ven,  
 e sen outra, que a todos conven:  
 seer de bon sen; pois vos, jograr, trager  
 non vos vej'est', e comprar nen vender  
 nono pod'ome, pero xe quiser,

<sup>8</sup> Anteriormente tratamos desa relación entre Pero da Ponte e Afonso Eanes do Coton, en "*Esta tenzónfezeron Pero da Ponte e Afonso Anes do Coton*. Edición e estudo do debate S969 / K556", *Carte romanze* 1/1, 2013, pp. 13-43.

Porén, este tópico non é explotado na referida cantiga de amor de Coton, que no entanto xira arredor da coita amorosa.

buscade per u, como ou onde quer  
ajades est'; e, jograr, se vos ten  
prol de trobar, terría-vos por sen  
furtarde-l'a queno sabe fazer;  
desto podedes guaanhar ou perder,  
tanto que x'ome a verdade souber.

Neste sirventés vemos que Gil Perez Conde se permite dar consellos a un *jograr* coa finalidade de que exerza debidamente a súa función. Así, a este sería lle necesario ter graza, boa voz, boa memoria e sensatez, como corresponde a un bo *segrel*?^ Claro está que, de acordo co ton satírico que caracteriza a maior parte das composicións que os trovadores dirixen a xográres, as recomendacións non se fan con pouca soma. Precisamente a mensaxe da última cobra de Gil Perez Conde encerra unha crítica menospresativa cara ao individuo concreto, mais que permite unha lectura máis amplia que iría contra a xográria en xeral, sendo que reproduce a idea de que se o xograr ansia ser trovador, só ten que furtar os cantares doutro que o saiba facer ben. Non é menos interesante que Gil Perez Conde non xulgue nin desaprobé o furto explicitamente e ademais advirta que se pode tirar proveito ou non, dependendo de se a verdade chega a coñecerse. Disto poderla julgarse que o latrocínio de cantigas talvez non era de todo infrecuente. Ao tempo cabe preguntarse se críticas como as propostas polo trovador portugués nesta cantiga non obedecerían á existencia de tópicos e prexuízos comúns contra a xográria; dado que os membros deste colectivo pertencían ás ca-

*Segrel* ou *segrer* utilizárase na Península Ibérica para designar a aquel individuo que compoñía cantares e ademais os interpretaba e cantaba. O termo xa foi estudiado pola crítica, analizando as nove composicións trovadorescas que rexistran o termo; a partir desas cantigas e da resposta de Alfonso X á *Suplicatio* de Guiraut Riquier, C. Michaëlis conjecturou que *segrel* sería o escudeiro que cabalgaba de corte en corte a cambio dunha paga. Pola súa parte, Menéndez Pidal supuxo que o *segrel* se situaría dentro da xográria. Para máis información, véxase C. Michaëlis, *Cancioneiro da Ajuda. Edição critica e commentada por*. Lisboa, Imprensa Nacional - Casa da Moeda, 1990,2 vols, [reimpresión da ed. Halle A.S., Max Nemeyer, 1904], vol. II, pp. 649-660; R. Menéndez Pidal, *Poesía juglaresca y juglares: orígenes de las literaturas románicas*, Madrid, Espasa Calpe, 1991 [principalmente as pp. 43-45]; A. Resende de Oliveira, "Segrel", *DLMGP*, pp. 609-611; M. Brea, *La parodia (meta)literaria en la lírica gallego-portuguesa: el debate entre Abril Perez y Bernal de Bonaval (Bj072, V663)* (no prelo); o texto da *Declaratio* e da *Suplicatio* e un estudo do termo *segrel* ofrécese na publicación de V. Bertolucci Pizzomosso, "La Supplica de Guiraut Riquier e la Risposta di Alfonso X de Castiglia", *Studi Mediolatini e Volgari*, XIV, 1966, pp. 9-135; a propósito do texto do trovador occitano, tamén pode verse M. Zink, *Poésie et conversion au Moyen Âge*, Paris, PUF, 2012, pp. 48-66.

pas baixas da sociedade, cabe supoñer que existisen todo tipo de burlas e prexuízos contra todos aqueles que ousasen iniciarse nunha "actividade nobre".

Por último, o terceiro texto que se refire explicitamente ao furto de cantigas e unha tenzón entre Joan Soarez Coelho e Lourenço. Neste caso, o nobre portugués vilipendia o uso, por parte do xograr, das trobas de Joan Garcia de Guilhade como se fosen propias. O interese particular deste texto reside non só no testemuño da acusación, senón tamén no feito de reproducir a reacción de Lourenço.

Este xograr resulta a todas luces un autor excepcional polo seu inxenio e a calidade da súa producción,<sup>^8</sup> mais tamén porque os indicios parecen sinalar que sería polémico, con pouca vontade de resistirse a ficar en silencio ante calquera ataque ou intento de vituperio por parte de trovadores e xograrcos que tratasesen de menoscabar a súa arte; esta defensa e reivindicación deu mesmo lugar a un intercambio de sirventeses<sup>^9</sup> e a introdución de motivos propios do *gap* en diferentes cantigas da súa autoría - destacadamente as súas intervencións en diversas tenzóns -, coa finalidade de enxalar as cualidades artísticas propias; a este respecto, son ilustrativas as palabras de X. Ron:

As cantigas de escarnio e maldicir e as tensós son manifestacións discursivas que privilexian o desafío, a crítica, a burla, a risa, a ironía, o xogo. Son as *Männervergleich*, traducción para o alemán da palabra escandinava *mannjafnadr*, isto é, o espacio para a confrontación entre homes, áinda que na lírica galego-portuguesa o único aspecto que semella ser escollido é o da superioridade poética.<sup>^10</sup>

Lourenço é, en función das mostras conservadas, o autor máis participativo nos debates galego-portugueses, áinda que lamentablemente non todos estes diálogos se transmiten de forma completa.<sup>^11</sup> Nas oito tenzóns que lie son atribuidas, participa nalgúns casos como provocador e noutrous reaccionando ao ata-

Vid. Lourenço, *Poesie e tenzoni*, edizione, introduzione e note di G. Tavani, Modena, Modenense, 1964.

2' Así, Pedr'Amigo de Sevilha dirixiuille o sirventés *Lourenço nom mi quer creer* (K1202), para acúsalo de non saber trobar nin citolar e recomendarlle deixar o trobar. Lourenço dedicoulle *Pedr'Amigo duas sohervias faz* (K1033), onde procura reafirmar a súa arte, que non está disposto a abandonar.

<sup>^8</sup> Cfr. X. Ron, "O *gap* na lírica galego-portuguesa: ¿Unha proxección conceptual acertada?", J. Casas Rigali - E.M. Díaz Martínez (eds.). *Iberia cantai. Estudios sobre poesía hispánica medieval*, Santiago de Compostela, Universidade, Servicio de Publicacións e Intercambio Científico, 2002, pp. 117-127, p. 126.

<sup>2'</sup> A propósito destes diálogos incompletos, vid. D. González, "Arquitectura de la *tenso* gallego-portuguesa. Textos en desequilibrio". *Estudios Románicos*, 21, 2012, pp. 65-78.

que dialóxico lanzado por outro trobador; en conxunto, permiten confirmar as palabras de Tavani a propósito deste senlleiro xograr, a quen o filólogo italiano caracterizou como «Personalidade invulgar, dotada de talento, de bons recursos técnicos e duma notávei capacidade de argumentación».^

Compróbase ademais que arredor da súa figura é factible tecer unha rede bastante tupida de relacions interpersoais e intertextuais, apreciable na disputa *Quen ama Deus, Lourenç', ama verdade* (VI022; 79,47) que mantón con Coelho, así como noutras interaccións e mencións que se rexistran en tenzóns e sirventeses. A lista de autores non é reducida: foi albo das sátiras de Pedr'Amigo de Sevilha,<sup>^</sup> Pero Gómez Barroso<sup>^"</sup> e Joan Garcia de Guilhade, con quen tamén mantivo dúas tenzóns;<sup>^"</sup> así mesmo debateu con Joan Soarez Coelho,<sup>'</sup> Joan Perez d'Avoin,<sup>"</sup> Joan Vaasquez de Talaveira,<sup>^</sup> Pero Garcia Burgalés (d'Ambroa?),<sup>"</sup> Rodrigu'Eanes Redondo,<sup>"</sup> probablemente Martin Moxa,<sup>"</sup> parece que trobaria con Pero Sen e Pero Bodinho,<sup>'</sup> e foi satirizado nunha tenzón entre Joan Soarez Coelho e Joan Perez d'Avoin.

Cfr. G. Tavani, "Lourenço", *DLMÜP*, 1993, pp. 427-425.

<sup>"</sup> Vid. nota 19.

Non é seguro que se dirixa a este Lourenço, en tanto que o trobador portugués comeza a composición dicindo *Pero Lourenço*, onde *Pero* podería ser nome propio ou ben un conector textual, como acontece na tenzón entre Lourenço e Joan Soarez Coelho.

Ademais de manter dous diálogos co xograr, Joan de Guilhade falou de Lourenço en tres sirventeses: *Lourenço, pois te quitas de rascar* (fi 1495-K1 106; 70,29), *Ora quer Lourenço guarir* (fi 1497- K1 107; 70,35) e *Par Deus, Lourenço, mui desaguisadas* (fi 1501 ; 70,38), aínda que neste nomea a Lourenço pero o escarnecido é Joan Soarez Coelho. As tenzóns corresponden a *Lourençojograr*, ás *mui gran sabor* (fi 1493- K1 104; 78,28) e *Muito te vejo, Lourenço, queixar* (fil494-K1 105; 70,33).

A referida *Quen ama Deus, Lourenç', ama verdade* (K1022; 79,47).

<sup>"</sup> *Lourenço, soias tu guarecer* (K1010; 75,10).

<sup>"</sup> *Johan Vaasquez, moiro por saber* (V\035; 88,7).

<sup>"</sup> *Quero quejulguedes. Pero Garcia* (K1034; 88,13).

<sup>"</sup> *Rodrigu 'fanes, quería saber* (K1 032; 88,14).

<sup>"</sup> Trátase da coñecida e comentada composición *Vós que soedes en Corte morar* (fi888-K472 e K1036; 94,20), e sería a única tenzón de Lourenço en que non se desenvolve o tema do trobar. Entre os estudos realizados pola crítica, destacaremos a análise de M. Brea, " *Vós que soedes en corte morar, un caso singular*". *Pola melhor dona de quantasfez nostro Senhor. Homenaxe á Profesora Giulia Lanciani*, Santiago de Compostela, Centro Ramón Piñeiro para a Investigación en Humanidades, 2009, pp. 97-113.

Os autores Pero Sen e Pero Bodinho son nomeados por Pedr'Amigo de Sevilha no xa referido sirventés K1202, pero as súas obras non se transmiten nos cancioneiros gale-

Como dixemos, *Quen ama Deus, Lourenç' ama verdade* (*Vl* 022; 79,47) garda o interese engadido de ser un diálogo co suposto "plaxiario" e, ao darrle voz ao xograr, temos oportunidade de coñecer a súa defensa:

- Quen ama Deus, Lourenç', ama verdade,  
e farei-ch'entender por que o digo:  
ome que entençon furt'a seu amigo  
semelha ramo de deslealdade;  
e tu dizes que entençôes faes,  
que, pois non riman e son desiguas,  
sei m'eu que x'as faz Joan de Guilhade.

- Joan Soárez, ora m'aseuitade:  
eu ôuvi sempre lealdade migo;  
e quen tan gran parte ouvesse sigo  
en trobar com'eu ei, par caridade,  
ben podia fazer tençôes quaes  
fossen ben feitas; e direi-vos mais:  
lá con Joan Garcia baratade.

- Pero, Lourenço, pero t'eu oía  
tençon desigual e que non rimava,  
pero qu'essa entençon de ti falava,  
o Demo lev'esso que teu criia:  
ca non cuidei que entençon soubesses  
tan desigual fazer, nena fezesses,  
mais sei-m'eu que x'a fez Joan Garcia.

- Joan Soárez, par Santa Maria,  
fiz eu entençon, e ben a iguava  
con outro trobador que ben trobava,  
e de nós ambos ben feita seria;  
e non vo-lo posso eu mais jurar;  
mais, se un trobador migu'entençar,  
defender-mi-lh'ei mui ben toda via.

No discurso de Joan Soarez interésanos salientar dous aspectos principais: en primeiro lugar, diríxese a Lourenço e acúsaو de furtar unha tenzón de Joan Garcia de Guilhade; desde o punto de vista expresivo, a imputación adopta un

go-portugueses. Sobre os autores "perdidos" tratou recentemente G. Lanciani, "Os trobadores perdidos: perdidos?", *in marsupiis peregrinorum*, pp. 355-364.

ton más grave no inicio da primeira cobra, grazas á sentenza dos vv. 3 e 4. Reprérese que, igual que Alfonso X no sirventés dedicado a Pero da Ponte, tamén neste caso o trobador portugués presenta o asunto como unha traizón, unha *deslealdade* que se comete contra un *amigo*; polo tanto, a critica remite, novamente, para o plano moral, incidindo no feito indecoroso e deshonesto de traizoar a quen deposita nel a súa confianza. En segundo lugar, obsérvese que as palabras de Coelho escarnecen a Lourenço ao longo do diálogo, pero a intensidade da acusación de traizón concéntrase na primeira cobra para despois perder força en relación á outra liña argumental satírica, que se presenta ao final da primera cobra: a mala arte de trobar de Joan Garcia de Guilhade. Así pois, a finalidade de última de Joan Soarez parece que sería sobre todo a de escarnecer a un xograr traidor e a un trobador pouco hábil, xa que lie atribúe a tensión mal rimada, desigual e que falaba do propio Lourenço. Para más, serían sobre todo esas deficiencias as que levaron a Joan Soarez a concluir que non podía ser obra de Lourenço («ca non cuidci que entençon soubesses / tan desigual fazcr, nena fezes-ses»), senón de Guilhade («que, pois non riman e son desiguaes, / sei m'eu que x'as faz Joan de Guilhade», «mais sei-m'eu que x'a fez Joan Garcia»).

E ante todo isto, cal é a defensa do xograr? Antes de nada, incidir na súa *lealdade*, defender a súa capacidade para trobar e directamente mandalo disputar con Joan García. Na seguinte quenda, defende o seu trobar e sentencia a súa capacidade para defenderse ante calquera trobador. Esta reacción bascada na defensa e insistencia no seu ben saber facer vai na mesma liña que a adoptada noutros diálogos en que o seu trobar é atacado" (aínda que esta tensión de Lourenço non é o exemplo más lucido de "autoencomio", probablemente porque non é o seu propio trobar, senón o de Guilhade, o que peor se agride no discurso satírico de Coelho).

" Propiciou a introdución de motivos propios do *gap*. Como lembrou X. Ron: «No noso cancioneiro as cantigas de escarnio e maldicir e as tensos convértense no xénero discursivo privilexiado para lanzar desafios de todo tipo, cobrando especial importancia os que afectan ó motivo da disputa literaria entre trobadores e xograres. [...] Só unha lectura das tensós ñás que participa o xograr Lourenço serviría para dar unha boa idea deste aspecto. Nelas deféndese de ser bo trobador fronte as acusacións dos seus contrincantes. No debate que mantén con Rodrigu'lanes (88,14), cada unha das intervencións de Lourenço serve para insistir na excelencia da súa arte de trobar ("ca ssey ben loar", v. 3 I; "os cantares que muy bem feitos vir / quaes eu fazo...", vv. 2-3 III), acentuada na intervención final, na tomada, onde afirma que vaian onde vaian os seus cantares non hai rei nem emperador que non os "colhan" moi ben. Mentre cada unha das intervencións de Rodrigu'lanes minimiza a arte de Lourenço, acusánoo de louvarse de algo que non sabe fazer, acentuado tamén na tomada final, onde o cualifica *chufador* e *loador de pouco asen*"; Cfr. Ron, "O *gap*", pp. 125-126.

Pero sabemos que o asunto non aeabou ai. A acusación de Joan Soarez chegaria a oídos de Joan Garcia e o resultado foi unha nova composición, neste caso un sirventés, onde Guilhade interpela a Lourenço e escamiza a Coelho. *Par Deus, Lourenço, mui desaguisadas* (51501; 70,38) contén evidentes referencias á tenzón: «mías tençôes quiseran desfazer / e que ar fossen per ti amparadas / Joan Soárez foi [...]» vv. 3-5. A partir de ai, o discurso de Joan Garcia de Guilhade consiste fundamentalmente no ataque a Coelho pola súa celebradísima cantiga de amor a unha ama;<sup>1</sup> de modo que esta sátira se relaciona, en certo modo, co coñecido *ciclo da ama?*<sup>2</sup> Nas palabras de Guilhade non hai lugar para unha defensa "típica" do propio trobar, isto é, insistindo e reiterando a súa capacidade e pericia para facer cantares ben rimados e iguais; nin, aínda que lie anuncia a Lourenço «mais a min e a ti poss'eu ben defender», hai unha argumentación dirixida a desmontar a referida acusación do furto por parte de Lourenço. Os silencios parecen significativos.

A modo de recapitulación, lembraremos que a mímese é un principio esencial na creación trovadoresca, pero esta debe exercerse de forma regrada, como se pode deducir da explicación descriptiva que se encontra na *Arte de Trovar*, onde se distinguen tres modalidades de *seguir* de diferente nivel de complicación. Non se aceptaría, pois, unha dependencia absoluta do modelo, unha práctica á que, non obstante, recorrerían algúns, que, de seren descubertos, terían sido albo das sátiras e burlas doutros autores do propio movemento trovadoresco. Así, unha crítica ao mal *seguir e filhar razões e sôes* testemúñase no sirventés de Gonçal'Eanes do Vinhal, e aínda que se pode entender que o escamizado se limitaría a reproducir as cantigas doutros, non chega a facerse explícito o termo *furtar*. Este verbo si aparece nas dúas cantigas de escarnio e na tenzón comentadas, en acusacións sempre dirixidas a xograres por parte dun trovador.

No escarnio de Gil Pérez Conde non se identifica o escamizado e a crítica podería entenderse *dirixida* de forma extensiva a todo o colectivo, permitíndonos conjecturar que talvez formase parte do argumentario común contra os xogra-

Sobre esta, poden consultarse principalmente varios traballos de À. Correia: *As cantigas de Amor de D. Joam Soares Coelho e o «Ciclo da "Ama"»*. Edii^ao e Estudo, Lisboa, Facultade de Letras da Universidade de Lisboa, 2001 ; "O outro nome da Ama. Uma polémica suscitada pelo trovador Joam Soares Coelho", *Coloquio. Letras*, 142, 1996, pp. 51-64; "Ser letrado e trovador", *eHumanista*, 22, 2012, pp. 27-48.

" Segundo Correia ("Ser letrado", pp. 29-31), Vuitoron e Guilhade son autores de cantigas que desenvolven o argumento como mostra da incompetencia de Joan Soarez Coelho, polo que poderian non estar creadas nun momento inmediatamente subsecuente ás cantigas da ama.

res. No sirventés de Alfonso X e na tenzón de Joan Soarez Coelho, arremétese contra dous coñecidísimos autores, o segrel Pero da Ponte e Lourenço, e recofiécese a patemidade dos cantares a Afonso Eanes do Coton e a Joan García de Guilhade respectivamente. Segundo Lanciani e Tavani, este tipo de denuncias «haberá que entendelas como a expresión dunha auténtica conciencia de lesa patemidade literaria».<sup>111</sup> Porén, debe terse en conta que os trobadores afectados, lonxe de seren defendidos, parecen formar parte da rexouba, de forma más evidente e explícita no caso de Joan García de Guilhade, e só de maneira hipotética no caso de Afonso Eanes do Coton. Finalmente conclúese que, nos testemuños da lírica galego-portuguesa, o *furtum carminum* condénase *sobre todo* por ser unha falta ética, unha práctica innobre e nada honrada que nos advirte de que, na Idade Media, coma hoxe, non todo vale.

Cfr. Lanciani - Tavani, *As cantigas de escarnio*, p. 131. Måis recentemente, Tavani afirmaba que nos séculos XII-XIII a sociedade occidental asistiu a dúas importantes mudanzas no plano cultural, e más concretamente na producción lírica: o paso do latín ao romance e unha noción más clara da patemidade literaria. Vid. G. Tavani, "Au commencement était la route et le sanctuaire". In *Marsupiis Peregrinorum*, pp. 25-37.